

**Ps.** Dóminus regnávít. cum reliquis. 20.

2. Læva ejus \*sub cápíte meo, et dèxtera illius amplexábitur me.

3. Nigra sum, \* sed formósa, filíæ Jerúsalem : ideo diléxit me Rex, et introdúxit me in cubiculum suum.

4. Jam hiems tránsiit, \* imber ábiit, et recéssit : surge amíca mea, et veni.

5. Speciósá \* facta es et suávis in delíciis tuis, sancta Dei Génitrix.

**Capitulum.** Eccli. xxiv. b  
**A**B inítio, et ante sæcula creáta sum, et usque ad futúrum sæculum non désinam, et in habitatióne sancta coram ipso ministrávi.

**Hymnus.**

**O** Gloriósa Virgínum, Sublímis inter sídera, Qui te creávit, párvulum Lacténte nutris úbere.

Quod Heva tristis ábstulit,

Tu reddis almo gérmine : Intrent ut astra flébiles, Cœli reclúdis cárdines.

Tu Regis alti jánuá, Et aula lucis fúlgida : Vitam datam per Virgí-nem

Gentes redémp-tæ pláudite.

Jesu, tibi sit glória, Qui natus es de Virgí-ne,

Cum Patre, et almo Spí-ritu,

In sempitérna sæcula.

Amen.

**V.** Diffúsa est grátia in lábiis tuis. **R.** Proptérea benedíxit te Deus in ætér-num.

**Ad Bened. Añá.** Beáta es \* Maríá, quæ credidísti : perficiéntur in te, quæ dicta sunt tibi a Dómino, allelúia.

**Oratio.**

**C**oncède nos fámulos tuos, quæsumus Dómine Deus, perpétua mentis et cörperis sanitate gaudere : et gloriósa beátæ Maríæ semper Virgínis intercessióne, a præ-sénti liberári tristítia, et ætérna pérfrui lætítia. Per Dóminum nostrum.

**Ad Primam in R. br.**  
**V.** Qui natus es de Maríá Virgíne. **etiam in Festis infra Octavas B. Maríæ Virgínis.**

**AD TERTIAM.**

**Añá.** Læva ejus.

**Capitulum.** Ab inítio. ut supra.

**R. br.** Spécie tua, \* Et pulchritú-dine tua. Spécie. **V.** Inténde, próspere pro-

cède, et regna. Et pulchritú-dine. **Glória.** Spécie.

**V.** Adjuvábít eam Deus vultu suo. **R.** Deus in médio ejus, non commovébitur.

**AD SEXTAM.**

**Añá.** Nigra sum.

**Capitulum.** Eccli. xxiv. b  
**E**T sic in Sion firmáta sum, et in civitate sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illius, et in plenitú-dine sanctorum deténtio mea.

**R. br.** Adjuvábít eam, \* Deus vultu suo. Adjuvábít. **V.** Deus in médio ejus, non commovébitur. Deus. **Glória Patri.** Adjuvábít.

**V.** Elégit eam Deus, et præelégít eam. **R.** In tabernáculo suo habitáre facit eam.

**AD NONAM.**

**Añá.** Speciósá.

**Capitulum.** Eccli. xxiv. b  
**I**N platéis sicut cinnamómum, et bálsamum aromatízans odórem dedi : quasi myrrha elécta dedi suavitétem odóris.

**R. br.** Elégit eam Deus, \* Et præelégít eam. Elégit. **V.** In tabernáculo suo habitáre facit eam. Et præelégít. **Glória Patri.** Elégit. **V.** Diffúsa est grátia in lábiis tuis. **R.** Proptérea benedíxit te Deus in ætér-num.

**IN II. VESPERIS.**

**Omnia dicuntur ut in primis, præter Añam seq.**

**V.** Dignáre me laudáre te, Virgo sacráta. **R.** Da mihi virtútem contra hostes tuos.

**Ad Magnif. Añá.** Beátam me dicent \* omnes generatiónes, quia ancillam hümilem respéxit Deus.

**Officium B. Maríæ in Sabbato.**

**O**mnibus Sabbatis per Annum, præterquam in Quatuor Temporibus et Vigiliis, et nisi Officium fieri debeat de Feria, propter Officium alicujus Dominicæ infra Hebdomadam ponendum,

ut dicitur in Rubrica de Dominicis ; ac nisi Festum novem Lectionum occurrat, fit Officium de S. Maríá, modo infrascripto.

In Vesperis Feriæ vj. dicuntur Psalmi feriales in Psalterio positi, nisi fuerit

Festum novem Lection. : quia tunc de S. Maria fit tantum Comm. in dictis Vesp. cum Aña, V. et Orat. ut infra : quæ Commem. omittitur, quando Feria vj. occurrit aliud ejusdem B. Mariæ Officium.

Capitulum et Hymnus ut in Festis B. Mariæ. [193]

V. Diffusa est gratia in labiis tuis. R. Propterea benedixit te Deus in æternum.

Ad Magnificat, Aña. Beata Mater \* et intacta Virgo, gloriosa Regina mundi, intercede pro nobis ad Dominum.

V. Dominus vobiscum. R. Et cum spiritu tuo.

Oratio.

**C**oncede nos famulos tuos, quæsumus Domine Deus, perpetua mentis et corporis sanitate gaudere : et gloriosa beatæ Mariæ semper Virginis intercessione, a præsentis liberari tristitia, et æternæ perfrui lætitia. Per Dominum nostrum.

Post Orationem fiunt Commemor. consuetæ de S. Joseph, de Apostolis, et de Pace, ut supra. 170.

Siautem occurrat Festum simplex, de eo fit Comm. ante ipsa Suffragia.

Completorium ut in Psalterio.

Et in fine Hymni. Te lucis ante terminum. dicitur.

Jesu, tibi sit gloria, Qui natus es de Virgine. etiam si in Vesperis facta sit tantum Commem. de B. Maria, nisi Hymni illius Festi, quod Feria vj. celebratum est, aliter concludendi sint, ut in Transfiguratione Domini.

AD MATUTINUM.

Invitat. Ave Maria, gratia plena : \* Dominus tecum. Ps. Venite. 2.

Hymn. Quem terra. ut in Festis B. Mariæ. [194]

Nocturnum Sabbati ut in Psalterio. Et in fine,

V. Diffusa est gratia in labiis tuis. R. Propterea benedixit te Deus in æternum.

Pater noster.

Absolutio.

**P**recibus et meritis beatæ Mariæ semper Virginis, et omnium Sanctorum, perducat nos Dominus ad regna cælorum. R. Amen.

V. Jube domne benedicere.

Pro j. Lectione, Bened. Nos cum prole pia benedicat Virgo Maria. R. Amen.

Primæ duæ Lectiones de Scriptura libri currentis : tertia, una ex inferioribus positus per ordinem, ut infra.

R. j. Sancta et immaculata virginitas, quibus te laudibus offeram nescio : \* Quia quem cæli capere non poterant, tuo gremio contulisti. V. Benedicta tu in mulieribus, et benedictus fructus ventris tui.

— Quia.

Pro ij. Lect. Bened. Ipsa Virgo virginum intercedat pro nobis ad Dominum. R. Amen.

R. ij. Felix namque es sacra Virgo Maria, et omni laude dignissima : \* Quia ex te ortus est sol justitiæ, \* Christus Deus noster. V. Ora pro populo, interveni pro clero, intercede pro devoto femineo sexu. sentiant omne tuum juvamen, quicumque celebrant tuam sanctam commemorationem. — Quia ex te. Gloria Patri. Christus.

Pro iij. Lectione, Bened. Per Virginem matrem concedat nobis Dominus salutem et pacem.

R. Amen.

Post iij. Lectionem dicitur Te Deum. 19.

AD LAUDES,  
et per Horas.

Omnia ut in Festis B. Mariæ Virg. per annum [205] præter sequentia.

V. Benedicta tu in mulieribus. R. Et benedictus fructus ventris tui.

Ad Bened. Aña. Beata Dei Genitrix Maria, \* Virgo perpetua, templum Domini, sacrarium Spiritus sancti : sola sine exemplo placuisti Domino nostro Jesu Christo : ora pro populo, interveni pro clero, intercede pro devoto femineo sexu.

Oratio. Concede nos. ut supra. [208]

Deinde fiunt Commemorationes consuetæ ut supra. 170.

AD VESPERAS.

Aña et Psalmi feriales, Capitulum et reliqua omnia, si non occurrat Festum duplex, de Dominica.

In fine Commemorationes consuetæ, ut supra notatur. 170.

Lectiones sequentes dicuntur singulis mensibus in Officio Beatæ Mariæ in Sabbato, ordine subscripto.

## MENSE SEPTEMBRI.

Ex Epistola sancti Leonis  
Papae ad Pulcheriam Au-  
gustam.

Epist. xiiij. ante medium.

## Lectio iij.

**S**acramentum recon-  
ciliationis nostrae  
ante tempora aeterna dis-  
positum, nullae implerent  
figurae: quia nondum su-  
pervenerat Spiritus sanc-  
tus in Virginem, nec vir-  
tus Altissimi obumbraverat  
ei, ut et intra intempera-  
ta viscera, aedificante  
sibi Sapientia domum,  
Verbum caro fieret, et  
forma Dei ac forma servi  
in unam conveniente per-  
sonam, Creator temporum  
nasceretur in tempore,  
et per quem facta sunt  
omnia, ipse inter omnia  
gigneretur. Nisi enim  
novus homo factus in  
similitudinem carnis  
peccati nostram suscipere  
vetustatem, et consub-  
stantialis Patri consub-  
stantialis esse dignaretur  
et matri, naturamque  
sibi nostram solus a  
peccato liber uniret; sub  
jugo diaboli generaliter  
teneretur humana capti-  
vitas.

Te Deum laudamus. 19.

## MENSE OCTOBRI.

Sermo sancti Bernardi  
Abbatis.

Ex Sermone in cap. xij.  
Apoc. ante medium.

## Lectio iij.

**A**mplectamur Mariae  
vestigia, fratres mei,  
et devotissima supplica-  
tione beatis illius pedibus  
provolvamur. Teneamus  
eam, nec dimittamus, do-  
nec benedixerit nobis. Po-  
tens est enim. Nempe vel-  
lus est medium inter ro-  
rem et aream: mulier  
inter solem et lunam;  
Maria inter Christum et  
Ecclesiam constituta. Sed  
forte miraris, non tam vel-  
lus operum rore, quam  
amictam sole mulierem.  
Magna siquidem familiaritas,  
sed mira omnino  
vicinitas solis, et mulieris.  
Quomodo enim in tam  
vehementi fervore tam  
fragilis natura subsistit?  
Merito quidem admiraris  
Moses sancte, et curiosius  
desideras intueri. Verum  
tamen solve calceamenta  
de pedibus tuis, et involu-  
cra pone carnalium  
cogitationum, si accedere  
concupiscis.

Te Deum laudamus. 19.

## MENSE NOVEMBRI.

De Expositione sancti Ba-  
sili Episcopi in Isaiam  
Prophetam.

In cap. viij. post initium.

## Lectio iij.

**A**ccessi, inquit, ad Pro-  
phetissam, et in utero  
accepit, et peperit  
filium. Quod Maria Pro-  
phetissa fuerit, ad quam  
proxime accessit Isaias  
per praenotionem spiritus,  
nemo contradixerit, qui  
sit memor verborum Ma-  
riae, quae prophetico affla-  
ta spiritu elocuta est.  
Quid enim ait? Magnifi-  
cat anima mea Domi-  
num: et exultavit spiritu  
meus in Deo salutari  
meo: quia respexit humi-  
litem ancillae suae: ecce  
enim ex hoc beatam me  
dicent omnes generatio-  
nes. Quod si animum ac-  
commodaveris universis  
ejus verbis; non utique  
per dissidium negaveris  
eam fuisse Prophetissam,  
quod Domini Spiritus in  
eam supervenerit, et vir-  
tus Altissimi obumbrave-  
rit ei. Te Deum. 19.

## MENSE DECEMBRI.

## Ante Adventum.

Ex libro Officiorum sancti  
Ambrósii Episcopi.

Lib. i. cap. xvij.

## Lectio iij.

**B**onus regendae casti-  
tatis pudor est co-  
mes, qui primus in ipso  
cognitionis ingressu Do-  
mini matrem commendat  
legentibus, et tamquam  
testis locuples, dignam,  
quae ad tale munus elige-  
retur, astruit: quod in  
cubiculo, quod sola, quod  
salutata ad Angelo tacet,  
et mota est in introitu  
ejus: quod ad virilis sexus  
speciem peregrinam tur-  
batur aspectus Virginis.  
Itaque quamvis esset hu-  
milis, praeverecundia ta-  
men non resalutavit, nec  
ullum responsum retulit,  
nisi ubi de suscipienda  
Domini generatione co-  
gnovit: ut qualitatem  
effectus disceret, non ut  
sermonem refelleret.

Te Deum laudamus. 19.



Officium parvum beatae Mariae.

**N**ON dicitur, quando fit Officium novem Lectionum, nec in Sabbatis, quando fit Officium de S. Maria. Quibus diebus omittitur a primis Vesperis. Cum dicitur in Choro, in Matutinis, et in Vesperis præponitur Officio diei, in aliis Horis postponitur. Prima dicitur post Benedicamus Dómino. antequam legatur Martyrologium. Extra Chorum potest dici pro temporis opportunitate.

OFFICIUM B. MARIE  
EXTRA ADVENTUM.

AD VESPERAS.

Ave María. secreto quæ dicitur semper in principio omnium Horarum B. Mariæ, quando non conjunguntur cum Officio diei.

℣. Deus in adjutorium. Glória Patri. in cuius fine Allelúia. ad omnes Horas.

Añæ, Psalmi, Capitulum et Hymnus ut in Festis B. M. V. [191]

℣. Diffusa est grátia in lábiis tuis. ℟. Propterea benedixit te Deus in ætérnum.

Ad Magnif. Añæ. Beáta

Mater, \* et intácta Virgo, gloriósa Regína mundi, intercède pro nobis ad Dóminum.

Kyrie eléison. Christe eléison. Kyrie eléison.

℣. Dóminus vobiscum. ℟. Et cum spíritu tuo.

Oratio.

**C**oncède nos fámulos tuos, quæsumus Dómine Deus, perpétua mentis et córporis sanitate gaudére : et gloriósa beátæ Mariæ semper Vírginis intercessióne, a præsénti liberári tristítia, et ætérna pérfrui lætítia. Per Christum Dóminum nostrum.

℟. Amen.

Sequens Commemoratio pro Sanctis fit tantum ad Vesperas et Laudes in Officio S. Mariæ.

Añæ. Sancti Dei omnes intercédere dignémini pro nostra omniúmque salute.

℣. Lætámmini in Dómino, et exsultáte justi. ℟. Et gloriámmini omnes recti corde.

Oratio.

**P**Rótege Dómine pópulum tuum, et Apostolorum tuorum Petri et

Pauli, et aliórum Apostolorum patrocínio confidéntem, perpétua defensione consérva.

**O**Mnes Sancti tui, quæsumus Dómine, nos ubique adjuvent : ut dum eórum mérita recólimus, patrocínia sentiámus : et pacem tuam nostris concede temporibus, et ab Ecclésia tua cunctam repelle nequítiam : iter, actus, et voluntates nostras, et ómnium famulórum tuórum, in salutis tuæ prosperitate dispóne : benefactoribus nostris sempitérna bona retríbe : et ómnibus fidélibus defunctis réquiem ætérnam concede. Per Dóminum.

AD COMPLETORIUM.

Ave María. ut supra.

℣. Convérte nos Deus salutaris noster. ℟. Et avérte iram tuam a nobis.

℣. Deus in adjutorium. Glória Patri. Sicut erat. Allelúia.

Psalmus cxxviiij.

**S**æpe expugnáverunt me a juventúte mea, \* dicat nunc Israel.

Sæpe expugnáverunt me a juventúte mea : \* étenim non potuerunt mihi.

Supra dorsum meum fabricáverunt peccátos : \* prolongáverunt iniquitatem suam.

Dóminus justus concídit cervices peccátos : \* confundántur, et convertántur retrórsus omnes, qui odérunt Sion.

Fiant sicut fœnum tectorum : \* quod priúsqvam evellátur, exáruit :

De quo non implévit manum suam qui metit, \* et sinum suum qui manipulos colligit.

Et non dixérunt qui præteribant : Benedictio Dómini super vos : \* benediximus vobis in nómine Dómini.

Psalmus cxxix.

**D**E profúndis clamávi ad te Dómine : \* Dómine exáudi vocem meam :

Fiant aures tuæ intendentes, \* in vocem deprecationis meæ.

Si iniquitátes observáveris Dómine : \* Dómine quis sustinébit?

Quia apud te propitiatio est : \* et propter legem tuam sustinui te Dómine.

Sustinuit ánima mea in verbo ejus : \* sperávit ánima mea in Dómino.

A custódia matutína usque ad noctem : \* speret Israel in Dómino.

Quia apud Dóminum misericórdia : \* et copiósa apud eum redemptio.

Et ipse redimet Israel, \* ex ómnibus iniquitatibus ejus.

**Psalmus cxxx.**

**D**omine non est exaltatum cor meum : \* neque elati sunt oculi mei.

Neque ambulavi in magnis : \* neque in mirabilibus super me.

Si non humiliter sentiebam : \* sed exaltavi animam meam :

Sicut ablactatus est super matre sua, \* ita retributio in anima mea.

Speret Israel in Dómino, \* ex hoc nunc et usque in sæculum.

**Hymnus.**

**M**emento, rerum Cónditor,  
Nostri quod olim corpore

Sacrata ab alvo Virginitatis  
Nascendo formam sumpsit.

María mater gratiæ,  
Dulcis Parens cleméntiæ,  
Tu nos ab hoste prótege,  
Et mortis hora súscipe.

Jesu, tibi sit glória,  
Qui natus es de Virgine,

Cum Patre, et almo Spíritu,

In sempiterna sæcula.

Amen.

**Capitulum. Eccli. xxiv. c.**

**E**GO mater pulchræ dilectiónis, et timóris, et agnitiónis, et sanctæ spei. **R.** Deo grátias.

**V.** Ora pro nobis sancta Dei Génitrix. **R.** Ut digni efficiamur promissionibus Christi.

**Ad Nunc dimittis, Aña.**  
Sub tuum præsidium \* confugimus sancta Dei Génitrix : nostras deprecationes ne despicias in necessitatibus, sed a periculis cunctis libera nos semper, Virgo gloriósa et benedicta.

Kyrie eléison. Christe eléison. Kyrie eléison.

**V.** Dóminus vobiscum. **R.** Et cum spiritu tuo.

**Oratio.**

**B**eatæ et gloriósæ semper Virginitatis Mariæ, quæsumus Dómine, intercessio gloriósa nos próteget, et ad vitam perducatur ætérnam. Per Dóminum nostrum.

**AD MATUTINUM.**

Ave María. **ut supra.**

**V.** Dómine lábia mea.

**V.** Deus in adiutorium.

**Invitat.** Ave María, grátia plena : \* Dóminus tecum. **Ps.** Veníte. 2.

**Hymn.** Quem terra. [194]

**In Nocturno, Añæ et Psalmi dicuntur ut in Festis B. M. V. scilicet :**

**Feria ij. et v. ut in j. Nocturno. [194]**

**Feria iij. et vj. ut in ij. Nocturno. [198]**

**Feria iv. et Sabbato ut in iij. Nocturno. [202]**

**V.** Diffusa est grátia in lábiis tuis. **R.** Propterea benedixit te Deus in ætérnum.

**Pater noster. secreto.**

**V.** Et ne nos inducas in tentationem. **R.** Sed libera nos a malo.

**Absolutio.**

**P**recibus et méritis beatæ Mariæ semper Virginitatis, et ómnium Sanctórum, perducatur nos Dóminus ad regna cælórum. **R.** Amen.

**V.** Jube domne benedicere. **Bened.** Nos cum prole pia benedicat Virgo María. **R.** Amen.

**Lectio j. Eccli. xxiv.**

**I**n ómnibus réquiem quæsi, et in hereditate Dómini morabor. Tunc præcepit, et dixit mihi Creator ómnium : et qui creavit me,

requiavit in tabernáculo meo, et dixit mihi : In Jacob inhábita, et in Israel hereditare, et in electis meis mitte radices. ¶ Tu autem Dómine miserere nobis. **R.** Deo grátias.

**R.** Sancta et immaculata virginitas, quibus te laudibus effera nescio : \* Quia quem cæli capere non poterant, tuo grémio contulisti. **V.** Benedicta tu in mulieribus, et benedictus fructus ventris tui. — Quia.

**V.** Jube domne benedicere. **Bened.** Ipsa Virgo virginum intercedat pro nobis ad Dóminum. **R.** Amen.

**Lectio ij.**

**E**t sic in Sion firmata sum, et in civitate sanctificata similiter requievi, et in Jerúsalem potestas mea. Et radicavi in populo honorificato, et in parte Dei mei hereditas sanctórum detentio mea. ¶ Tu autem.

**R.** Beata es Virgo María, quæ Dóminum portasti Creatorem mundi : \* Genuisti qui te fecit, et in ætérnum permanes Virgo. **V.** Ave María, grátia plena, Dóminus tecum. — Genuisti.

**V.** Jube domne benedicere. **Bened.** Per Virginem matrem concedat nobis Dominus salutem et pacem. **R.** Amen.

**Lectio iij.**

**Q**uasi cedrus exaltata sum in Libano, et quasi cyprissus in monte Sion: quasi palma exaltata sum in Cades, et quasi plantatio rosae in Jericho. Quasi oliva speciosa in campis, et quasi platanus exaltata sum juxta aquam in plateis. Sicut cinnamomum, et balsamum aromatizans odorem dedi: quasi myrrha electa dedi suavitatem odoris. **V.** Tu autem.

**R.** Felix namque es sacra Virgo Maria, et omni laude dignissima: \* Quia ex te ortus est sol justitiae, \* Christus Deus noster. **V.** Ora pro populo, interveni pro clero, intercede pro devoto femineo sexu: sentiant omnes tuum juvamen, quicumque celebrant tuam sanctam commemorationem. — Quia. **Gloria.** Christus.

**AD LAUDES.**

**V.** Deus in adjutorium.

**Añæ. 1.** Assumpta est \* Maria in caelum, gaudent

Angeli, laudantes benedicunt Dominum.

**Psalmi de Dominica. 20.**

**2.** Maria Virgo \* assumpta est ad aethereum thalamum, in quo Rex regum stellato sedet solio.

**3.** In odorem \* unguentorum tuorum currimus: adolescentulae dilexerunt te nimis.

**4.** Benedicta filia \* tu a Domino: quia per te fructum vitae communicavimus.

**5.** Pulchra es, \* et decora, filia Jerusalem: terribilis ut castrorum acies ordinata.

**Capitulum. Cant. vj. c**

**V**iderunt eam filiae Sion, et beatissimam praedicaverunt, et reginae laudaverunt eam. **R.** Deo gratias.

**Hymnus.**

**O** Gloriosa Virginum, Sublimis inter sidera, Qui te creavit, parvulum Lactente nutris ubere.

**Q**uod Heva tristis abstulit,

Tu reddis almo germine:

Intrent ut astra flebiles, Caeli recludis cardines.

**Tu** Regis alti janua, Et aula lucis fulgida:

Vitam datam per Virginem

Gentes redemptae plaudite.

**Jesu,** tibi sit gloria, Qui natus es de Virgine, Cum Patre, et almo Spiritu,

In sempiterna saecula.

Amen.

**V.** Benedicta tu in mulieribus. **R.** Et benedictus fructus ventris tui.

**Ad Bened. Añæ.** Beata Dei Genitrix Maria, \* Virgo perpetua, templum Domini, sacrarium Spiritus sancti: sola sine exemplo placuisti Domino nostro Jesu Christo: ora pro populo, interveni pro clero, intercede pro devoto femineo sexu.

**Kyrie eleison.** Christe eleison. **Kyrie eleison.**

**V.** Dominus vobiscum. **R.** Et cum spiritu tuo.

**Oratio.**

**D**eus, qui de beatae Mariae Virginis utero Verbum tuum, Angelo nuntiante, carnem suscipere voluisti: praesta supplicibus tuis; ut qui vere eam Genitricem Dei credimus, ejus apud te intercessionibus adjuvemur. Per eundem Christum Dñum nostrum. **R.** Amen.

**Pro Sanctis, Añæ.** Sancti Dei. **ut in j. Vesp. [212]**

**AD PRIMAM.**

**Ave Maria.** **V.** Deus in adjutorium.

**Hymnus.**

**M**emento, rerum Conditor, Nostri quod olim corporis Sacra ab alvo Virginis Nascendo formam sumpsis.

**Maria** mater gratiae, Dulcis Parens clementiae, Tu nos ab hoste protege, Et mortis hora suscipe.

**Jesu,** tibi sit gloria, Qui natus es de Virgine, Cum Patre, et almo Spiritu, In sempiterna saecula.

Amen.

**Añæ.** Assumpta est.

**Psalmus liij.**

**Q**uis in nomine tuo salvum me fac: \* et in virtute tua judica me.

Deus exaudi orationem meam: \* auribus percipe verba oris mei.

Quoniam alieni insurrexerunt adversum me, et fortes quaesierunt animam meam: \* et non proposuerunt Deum ante conspectum suum.

Ecce enim Deus adjuvat me: \* et Dominus susceptor est animae meae.

Avérte mala inimicis meis : \* et in veritate tua dispérde illos.

Voluntárie sacrificábo tibi, \* et confitébor nómini tuo Dómine : quóniam bonum est :

Quóniam ex omni tribulatióne eripuísti me : \* et super inimicos meos despéxit óculus meus.

*Psalmus lxxvii.*

**B**enedixísti Dómine terram tuam : \* avertísti captivitátem Jacob.

Remisísti iniquitátem plebis tuæ : \* operuísti ómnia peccáta eórum.

Mitigásti omnem iram tuam : \* avertísti ab ira indignatiónis tuæ.

Convérte nos Deus salutaris noster : \* et avérte iram tuam a nobis.

Numquid in ætérnum irascéris nobis? \* aut exténdes iram tuam a generatióne in generatióne?

Deus tu convérsus vivificábis nos : \* et plebs tua lætábitur in te.

Osténde nobis Dómine misericórdiam tuam : \* et salutáre tuum da nobis.

Audiam quid loquátur in me Dóminus Deus : \* quóniam loquétur pacem in plebem suam.

Et super sanctos suos : \* et in eos, qui convertúntur ad cor.

Verúmtamen prope tíméntes eum salutáre ipsius : \* ut inhábitet glória in terra nostra.

Misericórdia, et veritas obviavérunt sibi : \* justítia, et pax osculatæ sunt.

Veritas de terra orta est : \* et justítia de cœlo prospéxit.

Etenim Dóminus dabit benignitátem : \* et terra nostra dabit fructum suum.

Justítia ante eum ambulábit : \* et ponet in via gressus suos.

*Psalmus cxvj.*

**L**audáte Dóminum omnes Gentes : \* laudáte eum omnes pópuli :

Quóniam confirmáta est super nos misericórdia ejus : \* et veritas Dómini manet in ætérnum.

*Añã.* Assúpta est María in cœlum, gaudent Angeli, laudántes benedicunt Dóminum.

*Capitulum. Cant. vj.*

**Q**UÆ est ista, quæ progréditur quasi auróra consúrgens, pulchra ut luna, elécta ut sol, terribilis ut castrórum ácies ordináta? *℟.* Deo grátias.

*℣.* Dignáre me laudáre te, Virgo sacráta. *℟.* Da mihi virtútem contra hostes tuos.

Kyrie eléison. Christe eléison. Kyrie eléison.

*℣.* Dóminus vobíscum. *℟.* Et cum spíritu tuo.

*Oratio.*

**D**eus, qui virginálem aulam beátæ Mariæ, in qua habitáres, eligere dignátus es : da quæsumus, ut sua nos defensióne munitos, jucúndos fácias suæ interésse commemoratióni. Qui vivis et regnas.

AD TERTIAM.

Ave María. *℣.* Deus in adiutoriúm.

*Hymn. Meménto. [217]*

*Añã.* María Virgo.

*Psalmus cxvj.*

**A**D Dóminum cum tribulárer clamávi : \* et exaudivit me.

Dómine libera ánimam meam a lábiis iniquis, \* et a lingua dolósa.

Quíd detur tibi, aut quíd apponátur tibi \* ad linguam dolósam?

Sagittæ poténtis acútæ, \* cum carbónibus desolatóriis.

Heu mihi, quia incolátus meus prolongátus est : ha-

bitávi cum habitántibus Cedar : \* multum íncola fuit ánima mea.

Cum his, qui odérunt pacem, eram pacíficus : \* cum loquébar illis, impugnábant me gratis.

*Psalmus cxvj.*

**L**Evávi óculos meos in montes, \* unde véniet auxiliúm mihi.

Auxiliúm meum a Dómino, \* qui fecit cœlum et terram.

Non det in commotióne pedem tuum : \* neque dormítet qui custódit te.

Ecce non dormitábit, neque dórmiet, \* qui custódit Ísrael.

Dóminus custódit te, Dóminus protéctio tua, \* super manum dexteram tuam.

Per diem sol non uret te : \* neque luna per noctem.

Dóminus custódit te ab omni malo : \* custódiat ánimam tuam Dóminus.

Dóminus custódiat intróitum tuum, et éxitum tuum : \* ex hoc nunc, et usque in sæculum.

*Psalmus cxvj.*

**L**ætátus sum in his, quæ dicta sunt mihi : \* In domum Dómini íbimus.

Stantes erant pedes nostri, \* in atriis tuis Jerúsalem.

Jerúsalem, quæ ædificatur ut civitas : \* cujus participatio ejus in idipsum.

Illuc enim ascenderunt tribus, tribus Dómini : \* testimónium Israel ad confitendum nómini Dómini.

Quia illic sederunt sedes in iudicio, \* sedes super domum David.

Rogate quæ ad pacem sunt Jerúsalem : \* et abundantia diligentibus te :

Fiat pax in virtute tua : \* et abundantia in túrribus tuis.

Propter fratres meos, et próximos meos, \* loquebar pacem de te :

Propter domum Dómini Dei nostri, \* quæsivi bona tibi.

**Añã.** María Virgo assumpta est ad æthæreum thalamum, in quo Rex regum stellato sedet solio.

**Capitulum. Eccli. xxiv. b**

**E**T sic in Sion firmata sum, et in civitate sanctificata similiter requievi, et in Jerúsalem potestas mea.

**℟.** Deo grátias.

**℣.** Diffusa est grátia in labiis tuis. **℟.** Propterea benedixit te Deus in ætérnum.

Kyrie eléison. Christe eléison. Kyrie eléison.

**℣.** Dóminus vobiscum. **℟.** Et cum spiritu tuo.

**Oratio.**

**D**Eus, qui salutis æternæ, beatæ Mariæ virginitate fecunda, humano generi præmia præstitisti: tribue quæsumus, ut ipsam pro nobis intercedere sentiamus, per quam meruimus auctorem vitæ suscipere Dóminum nostrum Jesum Christum Fílium tuum. Qui tecum vivit.

AD SEXTAM.

Ave María. **℣.** Deus in adiutorium.

**Hymn. Meménto. [217]**

**Añã.** In odórem.

**Psalmus cxxij.**

**A**D te levavi oculos meos, \* qui habitas in cœlis.

Ecce sicut oculi servorum, \* in manibus dominorum suorum.

Sicut oculi ancillæ in manibus dominæ suæ : \* ita oculi nostri ad Dóminum Deum nostrum donec miseretur nostri.

Miserere nostri Dómine,

miserere nostri : \* quia multum repléti sumus de peccatione :

Quia multum repléta est anima nostra : \* opprobrium abundantibus, et despéctio superbis.

**Psalmus cxxij.**

**N**isi quia Dóminus erat in nobis, dicat nunc Israel : \* nisi quia Dóminus erat in nobis,

Cum exsurgerent homines in nos, \* forte vivos deglutissent nos :

Cum irasceretur furor eorum in nos, \* forsitan aqua absorbuisset nos.

Torrentem pertransivit anima nostra : \* forsitan pertransisset anima nostra aquam intolerabilem.

Benedictus Dóminus \* qui non dedit nos in captiōnem dentibus eorum.

Anima nostra sicut passer erepta est \* de laqueo venantium :

Laqueus contritus est, \* et nos liberati sumus.

Adiutorium nostrum in nómine Dómini, \* qui fecit cœlum et terram.

**Psalmus cxxij.**

**Q**UI confidunt in Dómino, sicut mons Sion : \* non commovebitur in ætérnum, qui habitat in Jerúsalem.

Montes in circúitu ejus : \* et Dóminus in circúitu populi sui, ex hoc nunc et usque in sæculum.

Quia non relinquet Dóminus virgam peccatorum super sortem justorum : \* ut non extendant justi ad iniquitatem manus suas.

Benefac Dómine bonis, \* et rectis corde.

Declinantes autem in obligatiōnes, adducet Dóminus cum operantibus iniquitatem : \* pax super Israel.

**Añã.** In odórem unguentorum tuorum currimus : adolescentulæ dilexerunt te nimis.

**Capitulum. Eccli. xxiv. b**

**E**T radica vi in populo honorificato, et in parte Dei mei hereditas illius, et in plenitudine sanctorum detentio mea.

**℟.** Deo grátias.

**℣.** Benedicta tu in mulieribus. **℟.** Et benedictus fructus ventris tui.

Kyrie eléison. Christe eléison. Kyrie eléison.

**℣.** Dóminus vobiscum. **℟.** Et cum spiritu tuo.

**Oratio.**

**C**oncède miséricors Deus fragilitati nostræ præsidium : ut qui



sanctæ Dei Genitrícis memóriam ágimus, intercessiónis ejus auxilió, a nostris iniquitatibus resurgámus. Per eúdem Dóminum nostrum Jesum Christum.

## AD NONAM.

Ave María. *V.* Deus in adjutórium.

*Hymn.* Meménto. [217]

*Añã.* Pulchra es.

*Psalmus cxxv.*

**A**N converténdo Dóminus captivitátem Sion : \* facti sumus sicut consoláti :  
Tunc replétum est gáudio os nostrum : \* et lingua nostra exsultatióne.

Tunc dicent inter gentes : \* Magnificávit Dóminus fácere cum eis.

Magnificávit Dóminus fácere nobiscum : \* facti sumus lætántes.

Convérte Dómine captivitátem nostram, \* sicut torrens in Austro.

Qui séminant in lácrymis, \* in exsultatióne mentent.

Eúntes ibant et flebant, \* mitténtes sémina sua.

Veniéntes autem venient cum exsultatióne, \* portántes manipulos suos.

*Psalmus cxxvj.*

**N**isi Dóminus ædificáverit domum, \* in vanum laboravérunt qui ædificant eam.

Nisi Dóminus custodierit civitátem, \* frustra vigilat qui custódit eam.

Vanum est vobis ante lucem súrgere : \* súrgite postquam sedéritis, qui manducátis panem dolóris.

Cum déderit diléctis suis somnum : \* ecce heréditas Dómini filii : merces, fructus ventris.

Sicut sagittæ in manu poténtis : \* ita filii excusórum.

Beátus vir qui implevit desidérium suum ex ipsis : \* non confundétur cum loquétur inimicis suis in porta.

*Psalmus cxxvij.*

**B**eatí omnes, qui timent Dóminum, \* qui ambulant in viis ejus.

Labóres mánuum tuárum quia manducábitis : \* beátus es, et bene tibi erit.

Uxor tua sicut vitis abundans, \* in latéribus domus tuæ.

Fílii tui sicut novellæ olivárum, \* in circúitu mensæ tuæ.

Ecce sic benedicétur homo, \* qui timet Dóminum.

Benedicat tibi Dóminus ex Sion : \* et vídeas bona Jerúsalem ómnibus diébus vitæ tuæ.

Et vídeas filios filiórum tuórum, \* pacem super Israel.

*Añã.* Pulchra es, et decóra, fília Jerúsalem : terribilis ut castrórum ácies ordináta.

*Capitulum.* Eccli. xxiv. b

**I**N platéis sicut cinnamómum, et bálsamum aromatizans odórem dedi : quasi myrrha elécta dedi suavitatem odóris.

*R.* Deo grátias.

*V.* Post partum Virgo invioláta permansisti. *R.* Dei Génitrix intercède pro nobis.

Kyrie eléison. Christe eléison. Kyrie eléison.

*V.* Dóminus vobiscum. *R.* Et cum spíritu tuo.

*Oratio.*

**F**Amulórum tuórum, quæsumus Dómine, delictis ignósce : ut qui tibi placére de áctibus nostris non valémus, Genitrícis Fílii tui Dómini nostri intercessióne salvémur. Qui tecum vivit et regnat in unitáte Spíritus sancti Deus : per ómnia sæcula sæculórum. *R.* Amen.

